

謹將甘肅回族關係實在情形密呈於左

(一) 曰回族之分別

有兵隊勢力之回族

有宗教勢力之回族

有由陝徙居甘肅之回族

由陝徙居甘肅之回族係左文襄安插現在無

甚勢力如平涼會甯靜甯化平等處所在多有  
既無勢力與大局無甚關係茲不具論請言有  
勢力者

(二) 宗教勢力之分別

(甲) 新教

新教中以馬元章為最有勢力現居清水

之張家川其教下蕃衍於固原甯夏一帶人  
民雖衆然教主馬元章學識兼優對於保  
全地方維持秩序熱心毅力極可佩服凡為  
政斯土者能與聯絡感情辦事必不棘手

(乙) 舊教其教民皆在河州

(花寺) 馬安良馬福祥馬麒皆此教之範圍

(白莊) 涼州鎮馬麟為教主

(太子寺) 馬故鎮國仁為教主馬鎮既故其弟國明現充  
精銳軍管帶者為主教

以上僅舉其有勢力者其無勢力者則不具錄然  
宗教之勢力近日尚不如兵隊之勢力

(三) 兵隊勢力之分別

甲馬安良之所部

乙馬福祥之所部

丙馬 麒之所部

以上三部以馬安良之資望為最著馬安良在前清其勢尚不甚盛自董福祥歿後升允優待回族其勢漸張宣統末造陝軍獨立升允督師援陝安良遂成精銳軍十餘營共和告成自陝

旋甘不願赴甘州提督之任盤踞省城干預政  
治前後都督民政長莫敢誰何自張廣建蒞甘  
後遣人諷其歸里省中人心始獲安定近雖退  
處導河其欲攬全省兵政之心仍未嘗稍殺也  
馬福祥在前清時見賞於升允由馬營監遊擊  
調署督中協擢西甯總兵民國初元省中有擬

能通番語故歷任督甘者凡有番案皆倚馬麒  
辦理民國反正時甘軍援陝馬安良自以年邁  
欲馬麒身當前敵遂請以馬麒為西軍幫統擔  
任戰事共和告成自陝回甘馬福祥移鎮甯夏  
馬麒遂為西甯總兵其為人不苟然諾識大體  
馬安良反對前都督趙惟熙時馬麒獨持正論

遂與馬安良有隙然回將中之忠於國家且最  
為回族信仰者實以馬麒為最上年由張廣建  
呈請改甯海鎮守使新編甯海軍隊所用分統  
以李迺棻顏鎮南兩漢人充任則為馬安良馬  
福祥所不及也

當民國反正之初馬福祥馬麒以馬安良為軍



界耆宿均極推重故馬安良在省城時其勢甚  
張自馬福祥馬麒於甯夏西甯各樹一幟馬安  
良退處導河而後省城政治始免干涉然馬安  
良見甯夏西甯之獨樹一幟與已相抗恒思得  
全省兵權以施其報復之計而馬福祥馬麒亦  
慮彼得全省兵柄不利於已故此次滇南戰事

發生川陝相繼獨立甘省獨得保全亦彼此均  
有意見互相牽制之效也

然馬福祥馬麒二人之感情甚為融  
洽此兩人之明大義顧大局實非  
馬安良所能望

然回族團體甚堅彼此雖有意見如有與回族  
為難者彼仍合力攻擊已有明徵若彼等竟捐  
除意見聯絡一氣則甘肅之四患殆不可測蓋  
彼族所藏軍械甚多且利無論本省漢民不能

抵抗即外來軍隊官吏非藉中央及鄰省援助  
萬難鎮壓也

此時為甘省謀治安竊以為有三要件

(一) 利用馬安良馬福祥馬麒三人者之分離  
以殺其勢力

(二) 三人者宜加以平等之待遇若其一稍占

優勝彼此均有不能相下之勢必有衝突  
(三)宜相機裁減四人之軍隊漸添漢人之軍隊以為將來之補救

然此種手續當徐圖機會出以穩健稍一操切則不惟無益且生惡感而滋擾亂矣  
以上各節係為甘省維持治安起見用敢密呈

藉供

採擇仍祈

秘密勿宣為禱